

GESU' E 'A MONICA PIA

Na monica i' casa assai pia
si sugnavu Nostru Signuri chi ci dissi :
*“tu s' tantu amata, figghia mia,
dumani vegnu a truvatti 'a casa tua”*.

A' monachedda nu ci paria veru tanta crianza
ca u' Signuri vinjia a' sò dimura
e si misi a pulizzari tuttu cu' primura
pi' 'ffari a Gesù ranni 'ccuglienza.

U' jonnu dopu mentri sunava 'a campana
si sintivu bussari 'ntà potta,
currivu a' criatura tutta cunfusa
ma ristavu completamenti dilusa :
era na vecchjaredda chi vuljia charcosa.
“No pò essiri, spettu genti 'mpurtanti”
e chiudivu l'usciu all'istanti.

A menzjonnu, sunannu 'i campani
ancora bussarunu ntà potta.

A' monica stavota si pricipitavu :
era nu picciriddu chi ciccava pani.
“Passa dumani chi ora ajiu cu' 'ffari”
e sbarravu a' potta cu' malufari.

A' sira sunavu a' campana i' 'llaviMaria
e all'usciu batteru novamenti.

“Ci semu” gridavu a' monachedda :
era però nu vecchju limusinanti .

“Viditi, viditi”, si misi idda a diri
“ajiu autri cosi 'ntà menti di pinsari ”.

‘Rrivavu a’ notti e Gesù no vinni.
S’addurmintavu a’ mischina divutedda
‘ddulurata e assai scunsulata.

Si sugnavu di novu u’ Signuri.
“*Ma comu, invanu t’ajiu spittatu*”.

“*Figghia figghia*”, rispunnivu u’ Signuri
“*tri voti ti vinni a truvare,
tri voti battjia ‘a tò potta
e tri voti mi respingisti :
era jò e no ddi povireddi,
e tu, mischina, no mi canuscisti*”.

Gesù l’avji stu modu ‘i fari,
s’ammuccia in chiddu chi no cumpari.

Mintemunni ntà testa nuji omineddi
chi no bastunu divuzioni e discusseddi,
chi no basta sulu ‘a pietà,
ma ci voli soprattutto ‘a carità.

28 Ottobre 2012